

مدیری : ابن السری
احمد جودت

مؤسسی : ابن السری
مصطفی نامق

آستان

ادبی ، علمی ، سیاسی ، اجتماعی ، فنی ، اخلاقی هفته لقی مجموعه در .

پنجشنبه

ایکینچی جلد

نومرو ۲۴

برنجی سنه

۳ صفر ۱۳۲۷

۱۲ شباط ۱۳۲۴

مندرجات

ودنوس م . بهجت	ماضی و آتی سعید حکمت
نشیده مصطفی نامق	اونوتمالی م جناب شهاب الدین
عثمانلی دمیریوللری محمد امین	اوکی آنا حسین سعاد
تربیه اجتماعی حسن فرهاد	قاتول مندهس تحسین ناهید
اولومدن صوکرده خلیل	تمائیل ابدیه سلیمان بحری

استانبول

محل اداره سی : جفال اوغلنده اداره مخصوصه

جفال اوغلنده ایاصوفیه جاده سنده : « مطبعه خیره و شرکات »

۱۳۲۴





- مابعد -

وسيط Medium

بعض اشخاصده اعضاء هیولا ئیه نك ادراك و حساسیتی، جسم مادیان تجردی هر قدر مترقی بر حالده بولور سه ده دوره تجددده یعنی حیات مادی ده بوحال تامیقی حائر دکلدر، چونکه جسمله مربوطی مشبوعیت حائده اولوب انك کثایتله محبوب سدر، بعض شرائط مخصوصه تحتده و آوان موقته ظرفنده جسمدن تجرد ایده بیایر، وقوف و خاطره ماسبقی کثانت جسمانیه ایله ستره خفاده قالیر. هیولا حیات روحانیه کچدیکی کبی روح اکا تماماً متمصرف اوله رق درجه ادراك حال وضوح و تابناك ایچنده سیالیتله اتحاد ایدرك حیات جسمانی ده حائر استمداد اولنلرك اعضاء هیولا ئیه سنه اجرای تأیر ایدركه خدامیلرك مظهر اولدقلری اسرار بونثائیرات و نظاهر سیالیه در.

مانیاتیزما اجرا ایدن بر آدم تابعی اوزرنده فوق العاده بر تأثیر ایقاع و حق تابعی بالکلیه تجرید ایدرك آنده حیات جسمانیك انقطاعه سبب اوله بیایر، حیات دنیویه ده بولنان بر شخصك مالک بولندی بوقوت نظر امعانه الندیغی تقدیرده، ارواحك مقنطیس جریانلرله بعض اشخاصه کورینه رك وساطتلیله بزه تبلیغانده بولملری استبعاد ایدیله من. وساطت استعدانده بولنانلرك جمله عصیه لری فوق العاده بر نزاکت و حساسیتی حائر اولوب قابیلیتلی مختلف و جمعیتلدر، بولنره وسیط médium دینلور.

وساطتک انواعی وارددر، بعضلری حساس، بر طاقی عوالم اثیری نه نکی

خفایاسنی بزه ستر ایدن کشافتی نافذ بر باصره‌یه مالک اولوب ارواحی کوریر قوانین و حقائق مغنویه‌یی آنلردن تحصیل ایدر.

هر کس پک مختلف بر درجه‌ده بوحاله مستعد ایه‌ده بر چوقلری کندیلرنده بولنان بوخاصیه واقف دکدرلر، نیک و بد اوله‌رق ارواحک تأثیر ونفوذندن ازاده هیچ بر فرد یوقدر، بز بر جمعیت غیر مرئیه ارسنده بولنیورز که افرادی برسکونت عمیق ایلر حرکتی مشاهد و ترصد ایدیورلر، هر درلو تصور اتمزده، سرور واضطراب اتمزده دماغزده اجرای نفوذ ایدیورلر، بوجمیت ایچنده بزه اجرای تأثیر ایدنلر دنیا‌ده بروشمش اولدیغمز لباس مادینک پیرانوب داغلمسینه قدر اکثریتله دوشوب قالدیغمز انسانلرک منسوب بولندیی طبقه ودرجه ایلر هم آهنگدرلر. اقربا، دوست و دشمن بلا فرق هر کس بوافراد غیر مرئیه‌نک تحت تأثیر ونفوذنده بولندیی جهتله برانسانک بوجهانده محیطی نه اخلاق و حسیاتله متحسس ایه خبری اولقسزین بوحیطه منسوب ارواحک احساس ایتدیکی تحسساث و افعاله مستغرق اولور، بعضاً روح مسلط اوله‌رق کین وانتقامیه بزى متمادیا تعقیب ایدر.

ارباب قلم بوطلوعات دقیقه‌لری بیایرلر، بوواننده آنسزین مفکره اعان ایدرک سنوحت بلیغه سیل آسا قلملرندن جریان ایدر، بعضاً ک مغموم و مکدرز مانمزه اسرار انکیز بر قوه مغنویه ایلر کسب انشراح وقوت ایتیمیز؟ ارباب اختراع وطریق ترقیده بیان اولان بویوک ذاتلر بومعاونت غیر مرئیه‌یی، بووقت مریهونی بیلمزلمی؟ اشته مظهر فیوضات و سانحات اولان محررلرک، مخترعلرک هر برلری بر صاحب خدامدر، بر قسمی ده اعضاء هیولائییه نقطه نظرندن ده حساس بولندیی جهتله ارواح معاونه‌یی شکلاً بالمشاهده مکمله ایدر، سیاله حیاتییه‌سی شدتلی بولنانلر پرمفلیر ایتنده کی ماصه‌نک بر قوه عجیه طرفندن حرکت کله‌رک ضربانیله روح ایلر مخا بریه موفق اوله‌رق بر اعتقاد سزى اقناع ایده‌بیلیر. بعضلری نوم مقناطیس ده اعضاء سیالییه‌نک اداره‌سنى غیر مرئى مسافرلرینه ترك وتودیع ایتکله آنلر اعضاء مذکوریه‌یی بالاستعمال حال جسمانیته بولورمش کی مکمله ایار. نازک بر ظرف، لطیف بر جسمده بر قادین، بر کنج قیز کورمکدن، وفات ایدنلردن بر شخصک روحی تجسم ایدرک دنیا‌ده موجود

ایکن نه طور و شیوه ایله متکلم ایسه عیناً او صورتله کورشمکدن ده عجب و حیرت آور بر حال تصور اولنه مز.

اکثریا انسانک سودیکی ارواح کندیلرینک باقی ولایموت بولندیغنی اثبات و بودنیاده ترک ایتدکلری محبلرینک آلام واضطراباتی تخفیف ایتک ایچون عالم معناده کورینورلر، کوز یاشی دوکنلری تسلیه واضطراباتی تخفیف ایچون بر اولاد آناسنه باباسنه و یاخود اناسی باباسی اولادینه عالم غیر مرئیدن عرض وجود ایدرک ابراز شفقت ایدر.

بعض اصحاب خدام تأثیر معنوی ایله ارواحک تجسمنی تسهیل ایدر، ارواح بوکیلرک هیولاسنه کفایت ایده جک مقدار اعاده سیالیده بولنه رق بوساحه مستعارده کوریله بیله جک حتی بعضاً لمس اولنه بیله جک بر راده یه قدر تکاثفله منظور اولورلر. و سیطرلرک بر قسمی ده مرضانک تسکین اوجاعی و بعضاً تمامیه اکتساب عافیتی بالواسطه ارواحک جریان مقناطیسی ایله تأمین ایدرلرک و ساطتک نافع بر شکلی ده بودر. والحاصل بوخاصه ده اشکال و تأثیرات مختلف اولوب هرکس از چوق بوندن حصه داردرک حس قبل الوقوع بوقیلدندر.

حساسیت سیالیه انسانک صفوت اخلاقیه و فکریه سیله متناسبدر، تاریخک بزماخبار ایتدیکی وقایع خارقه و عجیبه صحیح اولوب ادیان موجوده مؤسسلرینک عوالم علویه و ساحه غیر مرئییه ایله مناسبتلریک عالی بر درجه ده بولمسیله اوامر الهیه یی بزما نقل و اخبار ایتش اولدتلری امر محققدر.

زمانم زده وساطت اکثریتله عادی بر درجه ده در، زیراً بوسره مظهر اولمق پک مستثنا و صاف بر حیاتده چالشمغه متوقف اولوب بوکون بوکبی شرائط دقیقه تحتده کمال صفوت و نزاهتله ترقی ایتک پک متعسر در.

وسیطلکده مخاطره Dangers du spiritisme

علام روحیه یی صرف بر مراقبه و یوقلمه مقصدیه تجربه یه کیریشینلر بر چوق شرائطک مفقودی حسبیله موانع عظیمیه تصادف ایدرک موجب نمونیت بر نتیجه یه دسترس اولتسزین تبری دست قالیرلر. مخبرات یاخود تجسمات روحیه حکمت و کما تطبیقتاندن حصوله کان تمثلاته

مشابه اولیوب بومسئله بر چوق قواعد و شرائط متینه تابددر ، بوشرائط خارجنده بر نتیجه الله ایتک غیر ممکندر ، اظهارات روحیه انسانده محتفی بولسان خواصه بالماجاهده متصرف اوله رقی ذکای مغزینک اویامسیله ممکن اوله بیایر ، چونکه طبقات عالییه منسوب اولان ارواح بزم طبیعت مزاحانه وافکار بدخواهانه مزی فهم ایدرک عدم قابلیتمزی کوروب التفات کوسترمز لر . عالم لاهوتی کورمک پک بیوک عقل وبصیرته وسه لرله مطالعات ومجاهداتله علم حیاتی تحصیل ایتکه متوقفدر ، بوعلم ، شته برحیاته کچمکله انسانلرک ماهیتی ومزاجی اکلامق ویر یوزینه سرپامش اولان معایب ودسائسدن بری اوله رقی سنه لرله اوغراشمئله تحصیل اولنور . ارواح غیر متمثله طبقات مخزنه یه منقسمدر . یعنی ، روح عالم ناسوتدن اولان بودنیاده نه حائده نه درجه ده ایسه بعدالموت عالم لاهوت ده دخی عین درجه یی احراز ایدر . بر حرص وارزویه غایبه ایتک ، بر قباح وعبی تصحیح ایتک بعضاً انسانک دها عالی بر دورده صعودینه سبب اوله بیایر ، بئز علیه حیات جسمانی ده زمان صباوتدن رشادته قدر انسانلرک تابع بولندلری درجات متفاوتیه سکنه غیر مرئی ده دخی تابع بولنمئله عالم ارواح طبقات مختلفه یه انقسام ایدر ، عالم ناسوتی تشکیل ایدن ابنای بشردن هرفرد خاناً وحساً بولندیخی درجه ایله متناسب بر حائده بولسان ارواحک تحت تأثیر ونفوذنده قالیر ، مساعی عقلیه و اخلاقیه مزه کوره ارواح علویه نیک دلالت وجاذبه سیله ارتقا ایتدیکمز کبی ، اکثریتله ارواح سفیه نیک اضلالاتنه هدف اوله رقی ننسمزی ورطه مذلت ونفلا کته الذا ایددرز .

ارواح علویه نیک تأثیراتی نافع اولوب صلاح وصفوت اکتساب ایتکلکه مزی تسبیل ایدر ، انلر کورلتیل مادیاتله مالی ، سفاهتله مترافق یرلردن تباعد ایدوب نیت خاصه رحسیات عالییه اصحابنه تقرب ایدرلر ، مجامع مظالم ارواح طبیه نیک طبایع علویه سنه توافقی ایتدیکندن بوکی یرلردن تباعد ایتکلکه برابر محیلرینی یینه اوزاقدن حمایه ومحافظه ایدرلر .

ارواح شریره تعالییه غیر مفتدر اولوب محاط بولندیغمز هواء نسیمی داخلنده کندیلری کورنمکمزین حیات مزه مشترکدرلر ، حیات جسمانیده آنلر نه ایله مشغول ایسه بعدالموت بومزاج ایله متناسب بر حائده قاهره رقی کندیلرینی

عالم جسمانيته ظن ايدرلر، بعضاً ارواح سفليه نك تأثيراتنه مقاومت ومخالفت ايدميين اشخاص ضعيفه يي بسبتون تحت نفوذ آلهرق حال جنون وجنايته قدر سوق ايدرلر، بونلرك بوتسلط وتصرفلري اكثريتله واقع اولديغي حالده بزبونك نهدن نشأت ايتديكني تفكر ايدمير.

انسان بلا احتياط خداملق تجارينه كيريشمامليدر، سليم بر قلبه منور بر فكره مالك اوله بيلنلر ارواح طيبه نك تسليات واخبارات قيمتدارندن مستفيد اوله بيلرلر، فقط بو حداثتده بر منفعت مادييه ياخود بر اكناجه بولمق فكر مجنونانه سيله تجربه يه قالقيشانلر ارواح شريره نك ملعيه سنه هدف اولهرق بونلرك مواعيد كاذبه سنه بالاعتماد نتيجده ده هيچ برشي الده ايتماكله برابر بر بازيجه اولمقله ده قالميرهق تجنن ايدر.

عالم غير مرئي ايله اختلاط ايچون پك بيوك بر قوت وبصيرت كر كدر. زيرا اوراده دخی ايولك كوتولك خطا وحقيقت واردر، بوني تفريق ايتمك تدريجي بر تكمل وتحصيل ايله حاضرلنمغه متوقفدر، بوساحه يه الده مشعله عرفان بولنديغي حالده آديم آديم كيرمك لازمدر.

ارواح سفليه نك تأثيرات والقاآت مضره سني تبعيد ايتك نفسنه حاكم اولمق عجبا صحيحى كبي قوتترول فكرندن آزاده بولنمغه برابر فضائل اخلاقيه وخصائل جيله يه تصرفله ممكندر، هر كيمكه مستقيمانه بر قلب صميم ايله حقيقي تحري ايدر آنك ايچون بو عالمده هيچ بر تهاسكه ورجعت يوقدر، چونكه ارواح طيبه ارباب فضيلت نيت ومقصد علوبسنه مطاع اولهرق تقرب ايتمسيله ازواج حيشه در حال تباعد ايدر. هنر، اخلاق خصوصنده ادنا مرتبه مسامحه ده بولمئيوب هوسات عادييه ومنفعت مادييه دن ازاده قالهرق عبادت حقيقيه يه حصر نفس ايتكدر. موجوديتمر صورت دائمه ده بر حيات متقدمك احوالندن علاقه داردر، هيچ بر وقت بر رابطه ومعقب غير مرئي نك تأثير وتعقيدندن وارسته قاله مير، موت بزى دشمنلرمزدن تخليص ايتديكي كبي ايفاع ايتديكمز قبايح ومعاييك چركين منقوشاتي خذف ايتز، غدر واعتسافز عصرلرجه بزه عكس تأثير كوستردرك هر كيمي رنجيده ايتش ايسهك، هر كيمك محوينه سبب اواش ايسهك بعدالموت بالمقابله آنلرك دهامدهش انتقاملر نه هدف اولورز، بوضورتله عدالت ابدية الهيه اجراي احكام ايدرلر هر كسك افعالي ينه نفسنه انعكاس ايدر.

— هیولانك تكملات حیاتیه سی —

تجارب روحیه ، دلائل و اخبارات عصریه ایله انسانك متسلسل بر حیات لاهوت و ناسوت ده دائم و باقی اولدنی تحققی ایدیور .

بوجسم سیال قابل تحریب اولوب روحك رفیقی و خادم صمیمی و مجادلاتنده ، اضطراباتنده ترقی و تامل یسندده همزمیدر . اولا وجود هیولائییه بر حال غلظت و کثافتده اشکل ایدر ك طبقه بشریتده دوره لمعانه داخل و روح اکتساب قدرت ایله نور فیوضاتی آتیردجه هیولا بونورك شعله سیله ضیادار اولور . حیاتدن حیاته کچدجه تدریجی بر صورتده اعضای سیالیه رقت پیدا ایدر ك نفوذ و وقوفی آرتاز . بر کلبك استحالیه سی کبی حشر اشترطریقیله بر جسددن دیگر جسدده انتقال ایتدجه روحك نزاهت و قدرتی درجات عالییه واصل اولنله سربستی تامنی احرار و هیولاده بونستنده بالاصطناع تکمل ایتش اولور .

نوع شرده مشاهده اولان طبایع و حساسیتك اختلافی حیات ماسبتده احرار ایتش اولدنی درجه نك نشانه سیدر که جسم مادی یه بور و نور بور و ناز حیات ماسبق خاطراتی فراموش ایدر ك بر جسمك انحلا نده بو خاطرات دانسیه کانه صفحتیه دماغ دیولاده تجلی ایدر . ارواح سفلیه دنیاده ایکن سیالیات مادییه ایله مشبوع کثیف بر ظرف ایله مظروف بولندلری ایچسون بعدالموت دخی تأثرات و احتیاجات ارضیه دن خلاص اوله منزل آچاق و صوسزلق واکدار المرده ینه اجرای احکام ایدر . اعضای هیولائییه هوسات عادییه ایله قراردهش بولندنی جهتله اهتزازاتی ضعیف و نفوذ و وقوفی بردائره مضیق تحتده بولور . بو کیملر عالم لاهوتك اسرارینه واقف اوله میوب بر ظلمت دائمه و عینیه ایچنده قاله رق هییچ برشی کوره منزل .

جاذبه حیوانیه دن تخیلص نفس ایتش اولان ارواح مصفا طلم غیر مرئیده هیولا ایله ده زباده رقت پیدا ایدر ك اهتزازات و احتیاساتی تزايد و درجه سنه کوره عوالم علویه ایله مناسباتی توسع ایدر ك آنك لطافت و آهنگ دلفریبنه مستغرق اولور .

(مابعدی وار)

خلیل

